



20. august 2009

UKA 2009/147

Inatsisartut suleriaasiani § 36, imm. 2 naapertorlugu, Naalakkersuisunut imaattumik apeqquteqaa-teqarpunga:

Naalakkersuisunut apeqqut:

- **Tuapannguani initaarniartunik toqqaanernut tunngavilersuinermi ukiorpassuarni Nuummi initaarniarlutik utaqqisutut allattorsimaffimmiittut periarfissaqartinneqarsinnaanerit nalilersuinerni ilaatinneqarsimava?**
- **Nalilersuinerni ilaatinneqarsimagunik taamaattorli initaartinneqarsimanatik suut tunngavilersuutugalugit taama aalajangertoqarsimava?**
- **Nalilersuinerni ilaatinneqarsimannikkunik suut tunngavilersuutaappat ilaatinneqarsimanninnerannut?**

(Inatsisartunut ilaasortaq Doris Jakobsen, Siumut)

Tunngavilersuut:

Maannamut ilisimavarput Tuapannguani Blok-ini najungaqartuusimasut 28-t akuerineqarsimasut, Namminersorlutik Oqartussani sulisut 42-t aammalu Nuummi innuttaasut taamaallaat 20-t akuerineqarsimallutik.

Oqaatigissavara Nuummi innuttaasut 86-it inissiarsuarnut sananeqartunut qinnuteqarsimagaluarmata taakkunanili taamaallaat 20-t pissarsisimallutik, tassa imaappoq Nuummi innuttaasuni 66-t qinnuteqarsimagaluartut iluatsitsisimannigillat. Ilisimavara qinnuteqarsimagaluarlutik itigartitaasut ilarpassui inissarsiorlutik allatsissimasut ukiorpassuarni utaqqisuusut allaat ukiut 18-t angullugit.

Oqaatigissavara Namminersorlutik Oqartussat sulisuisa inissarsiorlutik utaqqinerat ajornartorsiutaasoq paasilluarsinnaagakku malitsigisaanillu aningaasarpasuit Namminersorlutik Oqartussat atortagaat aamma siunissaq qaninnerusoq eqqarsaatigalugu aaqqiiffiqineqartariaqartutut isumaqarfialugit, taamaattoq sulisut isumaqarpunga Tuapannguani piginneqatigiilluni inissiat maannakkorpiaq Nuummi inisssaaleqisut taamak amerlatigitillugit ukiullu taamak amerlatigitisut utaqqisartillugit taakkua salliutillugit periarfissiisariaqartugut.